



22211

kat.komp.

III

Mag. St. Dr.

P

Loc. ferri Arms pacis novo sine sanguine tra-
umphatori Vladislao IV - ab expeditione bel-
lica reduci - religione consecratus.

PANEG. et VITAE


Polon. Fol.

№ 1524.

Biblioteka Jagiellońska



stdr0004623



ARCVS PACIS
NOVO
SINE SANGVINE
TRIUMPHATORI
VLADISLAO IV.

POTENTISSIMO
SARMATIÆ MONARCHÆ

Ab expeditione bellica

In Amurathem Turcarum Imp : suscepta

Feliciter & Auspicatò

REDVCI;

LAVREATISQVE REGNI ORDINIBVS

Triumphalem hanc portam

vnà subeuntibus,

Inter publicos Europæ acclamantis plausus

E VOTO SOCIETATIS IESV

Religiosè consecratus.



CRAC. *In Officina Andrea Petricouij, S. R. M. Typographi.*
Anno Domini, M. DC. XXXV.



Orietur in diebus eius iustitia, & abundantia Pacis,
donec auferatur LVNA. *Psal: 71.*

BIBLIOTH. UNIV.
JAGELLONICAE

ARCUS PACIS.

Quisquis terrarum excidio, vel sanguine Pacem
Humano docuit nasci, sociandaq; primus
Regna dirempturis ferro commisit & igni,
Audiant (instratis fracti seu molibus Orbis
Inflatus premitur, violato subter amatas
Seu luit Oceano strages, fufumque cruorem)
Non bustis populorum immanibus audiat, Æuo
LADISLAE Tuo, non crescere sanguine lauros
Innocui veniunt Mundo ac sine cæde Triumphi.

DEO EXERCITIVVM, DEO PACIS,
QVOD INVNDATIONE BARBARIÆ POLONORVM
TERRIS DEPVLSA, TRIVMPHALEM PACIS ARCVVM
IN COELO SARMATICO LIBERIS INVICTÆ GEN-
TIS MANIBVS CONSTITVERIT, ORBEMQ. TERRA-
RVM AD OTIVM ET TRANQVILLITATEM REVO-
CARIT; INTEGRA AC FERRO ILLÆSA HOSTIA
CADAT AMVRATHES.

AVGVSTÆ SALVTIS MATRI,
CVSTODI ET ARCÆ FÆDERVM,
VNI AC PERPETVÆ POLONIARVM HÆREDI,
OB SIGNA LVNASQ. OTHOMANNICAS FATALI
AVSPICIO REPRESSAS AC DEPRESSAS; LVNA BAR-
BARA FATALI SORTE SVB PEDIBVS ESTO.

VOBIS, DIVI DIVÆQ. PATRIÆ
OB SERVATOS LECHIAE FINES, ARMAQ. THRA-

CIÆ SINE ARMIS EXCVSSA ; INVIOLATAS ARAS
GRATA PATRIA , VICTIMAS BARBARIA
CVMVLABIT.

VNus demum extitisti, VLADISLAE REX
POTENTISSIME, cui salus, tutela, secu-
ritas humani generis meritò à Superis cōmissa cre-
ditaq; esse videatur. Cessit impar tanto æmulo mū-
di terror Amurathes, ne caderet; si nō hoc ipso pro-
stratum Orbis videt, quod supplex tibi veniamq; ac
pacem orans prociderit. Nondum bello humana
virtus effecit, quod virtutis tuæ ipsa existimatio sine
bello. Profectura scilicet non erat felicitas, si armis
vicisses, quibus nuper quidquid habet Septentrio du-
rissimum fregisti: ad tuæ prodigia Fortitudinis ac-
cessio hæc fieri solū potuit, vt clausus vaginā mu-
cro hostem sterneret, seruaret Orbem. Quod no-
mine pollicebaris, manu iam ac virtute præstitisti
verè Princeps, sub quo primū Sarmatia vires a-
gnouit suas nulli potentiæ non pares esse. Timeri
adhuc poterat, nisi timeri à Te voluisset barbarus;
adeoq; vincendi fiduciam amisit, vt Polonia inueni-
ret. Bellum, quod & nauibus aduexerat, vt ipsi flu-
ctus armatis quodammodo procellis aucti ferale di-
luuium in nos deuoluerent; & per vastissima terra-
rum spatia æquè feris hominum ac belluarum lacer-
tis in Valachiam apportarāt, vt telluri quoq; ipsi &
non solis nobis graue esse crederetur, hoc inquam
bellum, quasi fabulam dare mundo vellet, postea-
quam in illo Martis theatro constitit, cū promit-
tere Actus ingentes cæpisset, repentè in latebras se
recepit: ipseq; simul Amurathes personam depone-
re coa-

re coactus est, proq̄, audacia pudorem ac metum fa-
teri. adeò nihil formidabile habet natura, cui non
vicissim aliquid formidandum prouiderit! Cohor-
ruimus, fateor, ad primum illum armorum strepi-
tum, bene conscij, quòd is gladium extulisset, qui
vnam nobis omnibus vellet esse ceruicem, iterumq̄;
in nouo illo furore antiqua Caligulæ vota mundus
expauit. sed eæ in primis Regni partes, in quas è vi-
cino agebat metus, tanquam dissita à Corde suo mē-
bra, linq̄i paulatim animis cæperunt: iamq̄; in pro-
cliui erant, nisi ad Tui aduentûs famam se erexissent.
terram illam vix tam citò calcasti, quàm illa vires
sibi cum sacro vestigio sensit impressas. Vocem
olim audieramus Magni Pompeij; quòd vbi tellurē
Italiæ pede pulsasset, innumeri exercitus essent in-
Cæsarem erupturi: euentus resq̄; ipsa Tibi seruaba-
tur, ne dubitarem quoscunq̄; Magnos aut Maxi-
mos edixit Antiquitas, minores fuisse. Nam Russiæ
terras nusquam attigisti, vbi non admirabili numero
victrices copiæ circumstiterint. Sanè redeunt ani-
mi populorum, quocunq̄; Scep̄trum velut Mercurij
virgam attulisti; laurus est, quidquid calcas. Verùm
hoc in tuis factis admirationem habet præcipuam;
quòd ad bella natus Pacem vbiq̄; circumferas: non
humana ista est moderatio, Summa felicitate non
vti quantū possis, vincendiq̄; ac regnandi terminos
Pacis arbitrio definire. Nimiùm sæpè didicimus, ne-
que à Sole radios, neq̄; ab insigni Potentia vires &
arma contineri posse. Affine quiddam habent Lux
& Maiestas; vt illa, tametsi quieta ingenio & placi-
da; ignem nihilominus parit: sic ista quocunq̄; Sere-
nitatis nomine censeretur, id tamen semper fuit, vn-

de Orbis incendia exarsere. Nouo itaq; exemplo
bellicæ laudi ac summæ fortunæ quasi frenos iniicis,
dum Orbi pacando studes, nec arma euagari finis vl-
tra communis otij metas. Pacem Septentrione to-
to non imperium propagare nuper voluisti, iam &
Orientis Pacificator audire, quàm Debellator ma-
uis. displicuit tibi mundus ita sanguine vndequaque
pollutus, vt nomen panè amiserit: noua sine armis
ratione subigere omnia, id planè Regium putauisti.
nam terras & maria cruentare serui etiam quandoq;
potuerunt: cruenta verò hæc diluuiâ exterminare,
sibiq; mundum reddere nescio an duobus (nisi Tu
alter sis) Imperatoribus summis contigerit: diu vel
in augusto sanguine requisuimus Augustum! Ergo
ipsa, inuictæ Fortitudinis opinione profligare ho-
stem contentus terrore belli maiora, quàm bello
quisquam instructissimo, confecisti. Debeatur hæc
vis emeritæ Virtuti, vt etiam parcendo vinceret, ho-
stemq; reprimeret non premendo. Atq; vt magna
corpora, quò ipsa non perueniunt, vmbra tamen
porrigunt suam, sic virtutis tuæ magnitudo castra
barbarorum latè complebat horror absentibus, præ-
sentibus amor. Hinc illi semper ad hanc diem inua-
dere aliena soliti ante primos Tui Regni aditus con-
stitère, quasi pro suo metuerent, sceptraq; iam emi-
nus adorarent tua. an & religione tenebantur, ne
suorum hîc sanguinem calcarent, quos tua manus
quondam Osmano inferias dedit? certè bono iure
abstinuerunt à terra, ex qua non sibi amplius deberi
sciebant, nisi quantum sepulchro satis esset. ad suo-
rum præstabat, quàm ad suos tumulos tam longum
iter suscepisse, leuiusq; visum est armis quæsitam
igno-

ignominiam, quàm cladem haud sine ignominia re-
ferre. Ita cùm Poloniam velut Oceanum quendam
adspicerent, in quo fatale ipsis naufragium tua Vir-
tus prænuntiauerat, trepidi atq; ab animis relictī in
ipso quasi littore hæserunt. Nec vela promouit A-
murathes, non dubius hoc æquor à Luna infestari
solum vt extollatur: vincula quidem & compedes
parauerat, sed vt Xerxes Hellesponto: adesse de-
mum vetera nomina intelligebat, sed abesse veterem
nominibus fortunam. quam obrem exclusa imitan-
di spe, frustra tam atrox in oculis exemplum erat;
non quòd hic noster non illo Amurathe ferocior,
sed quòd Tu illo felicior Vladislao. Quod si pro bar-
baro illo mundus erubuit, cùm terram & flumina
sanguine infecisset, iam iste terris vndiq; abs te vin-
dicatis suum ferre cogitur pudorem. Nec ille tam
suis armis, quàm nostrâ Europam ignauia & crimi-
nibus oppugnauit. hic verò omnem in suomet fastu
ac perfidia vim posuit, ne scilicet alijs artibus Tyran-
nidem stabiliret, quàm quibus erecta est; attamen
eum ex aduerso habuit, qui (vt Belisarius aliquando
in Persas ducens) violati fæderis leges hastis præfi-
xurus mox erat, fidemq; ac iuratae pacis reuerenti-
am impijs pectoribus ita saltem incussurus. Neque
enim diffiteri potest, nisi qui Orbis iudicio confutari
velit, armis perinde ac inermi consilio repressus est,
opprimi hostem potuisse: prodigiosa vbiq; gentiū
est, quamuis ipsa minor, Virtutis tuæ existimatio,
diuq; fortunam tuam Militarem & Bellicam appel-
lauimus, donec deprehenderetur, tantundem sine
bello militiaq; posse. Quia enim præ omnibus Pa-
cē regno tuo parere decreueras, Bellonæ primū
nube-

nubere malebas ; sponsali ferto lauream , Io triumphale epithalamio prætulisti. non aliæ tædæ præluere ad torum debebant Lechico Marti, quam inflammata suisq; ignibus collucens Thracia. Verum posteaquam in prælijs & cruento stadio inuictam Fortitudinem Orbi probasses , ne vno modo summus videreris, novos absq; sanguine triumphos docere iterum voluisti. Fulminum hic mos est, ferrum & quidquid repugnat, frangere ac redigere in fauillam , mollioribus & quæ sponte cedunt parcere ; vt facile aduertamus cognationem inter Dei tela & Regia. Atq; vt illa magis sunt mira, vbi seruant, quam vbi sæuiunt, ita hæc prodigij plus habent, dum hoste intacto maiora, quam cæso delectoq; gloriosè patrant. Non est promptum ea dicere omnia, quæ tam prompto Superum ac Tuo munere obtinuimus. Scythas finitimos solum vertere cogis ; ne videlicet ab ijs annuus terror, barbarum sanè vesticum, Europæ amplius pendatur. sæpius illa, quoties suo imminentes iugulo sensit, Poloniæ obiectu defensa est : tamen fieri haud poterat, quin tela, quæ ipsa vitauerat, in Clypeo saltem hærerent. at obriguere iam metu, ne arma expediant ; in Persei scutum Sarmatiam ijs versam dicas. Delubrum quoddam Herculis fuisse memorant, quod clauæ ipsius ad ianuam defixæ beneficio nullius vnquam canis ingressu funestaretur. dubitarem apud nos Herculeum esse sacrarium, nisi tam longè rabies ista nostris iam sese à finibus abstineret : palam est, quòd monstrorum domitricem sacriq; custodem limitis clauam odoretur. Illud verò quanto barbarorum dedecore, quantâ nostrorum gloriâ effectum est, vt autor & fax belli huius
extin-

extingueretur? Abassius, inquam, ille, qui te alibi
fædifragi populi victorem alibi fædifrago à populo
victum reddere tentârat, è viuis, vt è Polonia, non
excessit, sed exclusus est. ô diem illum Turcis omi-
nosum, tibi tuâq; militiae faustum ac salutarem, quo
Amurathe ipso iniuriam tuam vlcisci coacto sacri-
legus prædo ille præstricto collo interiit, fatis hoc
agentibus, vt cœlo barbaro diu spirare non posset,
qui auram Sarmaticam nefario anhelitu semel vio-
lârat: neq; Clauam ille tuam exercitu amisso vnus
propè vitasset, si aut mitiori iudice, aut leuiori sup-
plicio dignus fuisset. Quod si pro capite, ne trunca-
retur, anxie deprecatum ferunt, noluit, credo, mi-
nor inferos adire, ne Furijs non gigas appareret, nul-
la re magis hoc nomen meritis, quàm quòd cum
Ioue bellasset: quanquam & illud sepulti gigantis
haud leue indicium, quòd velut alter Enceladus sub
Ætna humatus flammam adhuc mouere, Lechiâq;
incendium minari ausus fuerit. sed vmbra metuere
nô potes, qui viuû spirantemq; metu armorû tuorû
exanimare potuisti. Iam sublato capite, nervisq; suc-
cisis mēbra facile cætera languerunt. ipsa belli sedes
Valachia nutare haud leuiter visa, vt pacifico sese
victori submitteret. nempe diu alternis viribus dis-
cerpta cum ægrè consisteret, subiecerat olim sese
currenti ferociæ, sed tanquam offendiculum, vt e-
uerteret: hodie pronis ac prostratis supplicandi ne-
cessitate hostibus, quasi legitimum Principem ea spe-
cie salutaret, erigit se iterum aduentu tuo, vt habeas,
cui nouo cum magistratu vetus iugû imponas. quid-
quid Tyram inter & pontum Euxinum terrarum est,
ne motâ quidem adhuc dexterâ cepisti. Plura eius-

B

modi

modi commemorarem, sed orationem admiratio-
nemq; totam absorbet ipse Amurathes Sultanus po-
sitâ cum armis arrogantiâ Tuæ supplex Maiestati.
habes infra te, quidquid vniuersos Reges populosq;
supra esse videbatur: Orbis terrorem velut in trium-
pho ducis, nisi minus gloriosum sit animos perdomi-
tos quàm corpora constricta in pompam trahere.
Arcum vis triumphalem? en hæc ipsa victoriæ hu-
iustrophæa, signum planè fæderis illustre si non, vt
olim, in nubibus, ramen in Europæ oculis positum:
cuius intuitu meminisse hostem oportebit, se cum
humano genere in gratiam rediisse. Nondum Iridem
à Luna effectam viderat natura, Tuæ Maiestati hoc
prodigium seruasse tempora videntur, vt astrum hoc
in occasu esset, tibiq; victori expanderet Arcum Pa-
cis. quin & præcurrens de more tempestas, cum fan-
guinem & prælia concepisset, genuit serenitatem.
Deprehendes in ea colorem aureum illo maximè
indicio, quòd expallescat: nec viridis desiderabitur,
quia Mahumeti carus, nosq; omnia illius gentis insi-
gnia in tuis fore spolijs ominamur. quod si ruber aut
alius quisquam falsus creditur, non falso opere dabit
tuus gladius certiozem. Age interim hunc Arcum
obdepressam erectum Barbariam subi triumphator;
nos ad ingressum tuum oratione paulisper consiste-
re iussa rite ominantis Patriæ carmen accinemus:

Mittamus auris bella truci super
Gerenda ponto: cur propè sanguine

Diluta vanescat ruentes

Indigenas præitura tellus?

Non Marte, quanquam colla rebellium

Frenauit Vrsarum, & (vigil ignibus

Te testor æternis Olympè)

Succiduo docuit morantem

Nutare

Nutare plaustro, non sine siderum
 Risu, Booten: cum genibus minor
 Stratis verecundum daretur
 Sarmatico Spolium triumpho;
 Quauquam Threissis cladibus aggerem
 Orbi Polono struxit, & obsitas
 Captum inter Osmani ruinas
 Panè Tyram veteres in aquor
 Nescire calles imperat, ac novos
 Armis natantum exscindere Bistonum:
 Non Marte certandum, subactò
 Si libeat dare iura mundo.
 Praeclara siccis gaudet adoreis
 Virtus; triumpho sola reum tenet
 Fortuna Martem, qua cruentato-
 - Haud simul immoriatur Orbi.
 An, gestit arces qui super erutas
 Pronis volantum illidere turribus
 Calces quadrigarum superbos,
 Victor erit superesse regnis
 Audax sepultis? latius imperat
 Seruator Orbis mucro, superstites
 Non relinquere aeternum futuro
 Immemor exuuias trophæo.
 His perge bellax artibus instrui
 Aeuum: recusis pro gladijs solum
 Frangant ligones. sat triumpho
 Pectus inerme sui tuentur,
 Partaq; virtus conscia gloriae.
 Non turbinis, quem stipat inanium
 Vulgus procellarum, tonitru
 Cesserit haud superata moles.
 Audite: versas metra loquacibus
 Motura cristas è galeis sonant;

*Pippire iam mihi videtur
Nidus, IO, tener. Arma Paci
Calcanda littus subijce Balticum:
Vindex togati Numinis ilicet
Magni VLADISLAI triumphale -
- Augurium Gladius probabit.*

NON intra hos fines stetit Gloriæ tuæ magnitudo,
REX POTENTISSIME: nisi enim in-
plurium ornamenta sese diffunderet, à Te angusta
iudicaretur. Nempe vt Maximorum est, fortunam
tenuisse præ alijs: sic Optimorum, deriuare in alios.
Adsciuiſti in huius societate victoriæ Sereniff: Prin-
cipes **CASIMIRVM, & ALEXANDRVM**,
siue vt Patria sacro Heroum ternione redderetur in-
uiolabilis, siue vt hostis victorem sibi liberaliori o-
ptione deligeret. fuitq; hoc admirabile factorum
opus, vt tribus cederet victoribus, quoniam ter ca-
dere non posset. Enimuerò Poloniae amplitudo nū-
quam maior esse poterat, quam cum hos in armis
haberet, qui & Magnos nominibus referebant, &
eorum magnitudini sæpe mundus erubuit, cum par
non esset. regna etiam distraxisset, vt laxaret angu-
stias, nisi vel singuli (nouâ inter Principes ambitio-
ne) vni quærerent vniuersa, vel vnus optaret singu-
lis. misera profectò ætas, si non beatiùs est impera-
toribus abundare, quam imperijs. Sarmatiæ omni-
nò gloriosum fuit pro Regibus bellatores, aut pro
bellatoribus Reges habere; gloriosum Magnis He-
roibus in puluere & sole prius, quam in folio Patri-
am tueri. Nimirum in Regnatrice hac Domo natos
isto maximè indicio agnoscit Orbis, quòd sceptrum
non ante hastam in manus admittere soleât, neq; co-
ronæ

ronæ nisi galeâ pressum caput submittere, quasi ferro exercitatis duratisq; leuius incumbat pòdus terrarum. Nec illustriore argumento agnouisti & Tu, **REX POTENTISSIME**, germanam Tuæ fortitudinem atq; fortunam, cùm Serenissimorû Fratrum alter æstuante inter Septentrionis glacies animo signatas tuis laboribus metas obiret, æmuloque gloriæ passu grandibus instaret vestigijs. nihil deterere potuit semper infractum ac sui similem, vt facillè Constantiâ natum intelligeremus: inde verso ad hoc alterum Tuæ gloriæ theatrum cursu, cùm in medio ante Lunas ei Turcicas occurrisset morbus ille, quo prostrati omnes fuimus, priuati doloris molestiam salute publica visus est curasse, morbo pariter cum hoste pulso. Alter verò è longinquis regionibus, quas lustrando Serenissimus hospes illustrabat, Superi boni, quanto ardore ad primum tubæ Othománicæ sonum accurrit, Fatis consonum arbitratus vt primum sanguinem eo bello Patriæ libaret, quod primum ac perpetuum in ore habuit! cæterùm ad victoriam satis erat, voluisse: quod agere arma destinauerant, egit ipsa maiestas armorum. quanquam ne magnis conatibus deesset euentus, in reditu demum, hausto è bellicis æumnis morbo, victorem spiritum in Patriæ obsequio profudit, puto, vt pestis illa atq; exitium Reip. penitùs diffaretur. Ista Principum fors est, vt eorum periculis, morbis, & morte salus ac vita ciuium constet. Vt olim Romanis Deorum par (Castorem illi credidère ac Pollucem) equitum sudore madentium specie in Vrbe visum celebrem illam de hostibus victoriam prænuntiauit; ita nobis à debilitata fractaq; duorum Prin-

cipum valetudine, inusitatae huius victoriae omen
fuit. Sed quoniam

Alternâ Castor Pollucem morte redemit,

hoc vicissim relato inter sidera dabit superstes He-
ros, ut extremis eum lachrymis illò prosequi sinat
ipse, cum geminam magnitudinem, tum magnas &
magnorum aliquando panegyres impleturus.

*Vos ego vos tacito, crudelia sidera, planctu
Te prodam lachrymis, raptor Olympe, meis:
Quâ Ganymedeos monstrat, licet inuia, passus
Semita, Pegaseo nitar in astra pede.
Pro Zephyris densata vehent suspiria vatem
Nubila & obstantes frangere docta polos:
Non ibi Sarmaticos dubitem spectare triumphos,
Quaerq; facit noster lata theatra dolor.
Obuia calcato mihi pompa sonabit in auro,
Et Lechicum multâ voce iterabit Io.
Astrorum sic scena sumus, nostrisq; cupita
Ille vel è damnis gaudia Circus habet!
Regales trabeas, baccata monilia stellis,
Affusum toto Sole videbo thronum,
Congesto Superum diademata Regia censu,
Sceptraq; siderea dote redempta Domus,
Accensum meliore Diem mirabor obryzo,
Pergama Latitia latè habitata noua,
Deniq; stelligero Heroem comitante Senatu
Deprêndam augustos ferre per astra gradus:
Heu, merita quidquid poterat promittere fronti
Lenta nimis tellus, promere, Olympe, potes:
Vnus ALEXANDRO tu sufficis; illaq; Regno
Non poterat Virtus, credo, minore capi.
Hæc, mihi, dum memoro Lechicæ miracula pompe,
Funeris in laurum sponte cupressus abit.*

Minimè

Minimè fortasse decuit triumphales aures fune-
bribus lamentis implere, sed artem, qui & Sar-
matiam, confudit dolor. At ne iam è planctu no-
stro plausum capiat hostis, ortumq; Lunæ suæ post
tantæ lucis occasum speret; age, Victor Magnani-
me, absterfo tantisper luctu oculos sereniores in-
succedentem bellatorum pompam, reflecte. ij Te
adhuc circumstant, quorum vim & arma in vulne-
ribus suis ille, Tu in victorijs agnoscere tuis potes.
Non enim Regum sanguinem huic ego deinceps
opponam, etsi Regum Tyranno; sunt pro Theodo-
sij's Stilicones. Equidem non è fabulis didicimus,
Atlante submoto cœlum in Herculem, tutò incli-
nari potuisse, cum ipse Moschouiam ingressus totâ
Poloniæ tutandæ curam, atque adeò totam molem
belli Turcici in Illustrissimum STANISLAVM KO-
NIECPOLSKI, Generalem Exercituum Ducem, cõ-
iecisti. Ostendèret tempora, nec alium Regem tan-
to militiæ imperatori, nec alium Regi tanto militiæ
imperatorem debitum fuisse. dignum alterius Ma-
iestate, alterius Fortitudine conflictum sensit cam-
pus ille planè Martius, nectâ vllius germinis, quàm
cladium atq; palmarum ferax, cum Abassio illi, què
antè memorauimus, partim legionum barbararum,
partim absentia Tuæ fiducia Regnum inuadeti ob-
uiam stetit tam consilijs celer, quàm lentus videba-
tur. Miraculum, non imperatoriæ artis exemplum
fuit, quòd nullam hostis machinam moliri potuerit,
quam non prouidisset; nullam prouidere, quæcunq;
hic noster fuerat molitus. Audiuisses non absq; ani-
mi voluptate noua musices inuenta, cum barbaro
ad pugnam eliciendo, quasi victoriæ huic tuæ pro-
lude-

luderet, tubis choros militariter cani iussit; puto, ut saltatorium honestaret orbem, in quo (ut iste fert ludus) verbera, quocunq; se dedisset, accipiebat miser Salius. Profecto Martia hæc est, quam ipse reperit, magia: Lunam classico euocare! Habes, REX POTENTISSIME, qui Turcas aliquando Tuis auspicijs saltare ad tibiæ nostræ modos doceat. Abasfio interim funebris hæc fuit cantilena. nam exercitûs reliquijs tanquã attritâ inter scopulos mutilatâq; rate Constantinopolim ægrè subductis, quem è diurna nocturnaq; fuga nondum penè collegerat, spiritum effundere coactus est halitu præcluso, fortè, ne amplius hanc saltandi illecebram anhelaret. Ita cum ludus & fabula è nationum terrore fieret, appendix tragica non potuit deesse! Nolo Arcum hunc triumphalem accersitis decorare insignibus ac emblematis: appendantur sacris Magni Pacificatoris altaribus Arma Koniecpoliana; Soleam dico gentilitiam calcandis barbarorum ceruicibus fatalem. Quod si locum in cœlo, ubi Luna eclipsim pati solet, ut exprimant Matheseos periti, Soleæ quandam similitudinem depingunt, veriùs in huius victoriæ symbolis ponetur illa Solea, in quam impingere nunquam Luna potuit Othomannica, quin deliquium pateretur. Haud longè aberit Fluius LVBO MIERSCIANVS, ubi fluctuanti Patriæ fida semper tranquillaq; statio, barbaris myoparonibus nunquam euitabile naufragium. quoties ille rubuit cruore ingentibus Tattarorum copijs deletis? quoties, ingenio ad candorem Pacis reuocato, crystallo puriùs fluxit? Meminère campi illi Podoliani aceruis hostium oppressorum, pro manipulis impeditarû aut
popu-

populatarum messium instrati, quis in bello geren-
do? Meminit arx Chocimia, quis in pace constitu-
enda fuerit magnus bello & pace LVBOMIERSCIUS?
hæc ipsa in Amurathem expeditio quantas illius co-
pias, quàm armatas pariter & ornatas habuit! vnâ
scilicet arte hostis ad certamē elici debuisset, vt præ-
dam sibi pro pugna paratam esse persuasus, vulnera
pro spolijs referret. Est in tuo Regno, POTEN-
TISSIME REX, non Pactolus aut Ganges auri-
fer, sed nobile illud Flumen, è quo in Rempubl. be-
neficia tam diuite alueo refunduntur, vt Poloniæ ga-
zam vehere videatur. Age, pro Tanai vel Tyra,
hunc Regni tui nunquam violatum limitem ad tri-
umphalem Pacis Arcum statuamus. Merentur
non imparem locum Hastæ ZAMOYSCIANÆ, vt à tri-
umpho ne absint, quas tam propè in victoria esse vo-
luisti. Pallas ipsa non alias aut gerere sagata vellet,
aut rogata Regali defigere Monimento: non alias
nouo Asiæ victori Lyfippus ille pro fulmine in dex-
tra collocaret. Ac si Lunâ barbara superstitio can-
dè voluit esse, quæ in terris Diana, Proserpina dici-
tur apud inferos, ne qua, opinor, Vniuersi parstyrā-
nide vacaret; nihil cōmodius euenire potuit, quàm
vt hisce tribus Hastis aduersus triforme mōstrū vte-
reris, dū pro Vniuerso pugnares. equidē verendum
non erat, ne hiantia illa cornua in orbem plenū co-
irent, modò ferratus hic limes obstitisset. fabula est
Herculem telis suis cum Nessi cruore vim illā mor-
tiferam illeuisse: crediderim potiùs hisce Armis ro-
bur quoddam præpotens affusum eo tempore, quo
illa fortissimi SHARI melior sanguis imbuit; reor, vt
Herculi Polono tandem vsui forēt. Iuere per varias

C

manus,

manus, Scæularum dicerem, quia notæ fortitudi-
nis, sed cùm insuper, ob cognatam huic sanguini sa-
pientiam, errare in hoste nescierint, haud occurrit
par nomen: Fabijs certè, Metellis, Scipionibus, solâ
temporum iniuriâ fuère posteriores, etenim rebus
gestis longissimè præcurrere. seruabantur demùm
huic fortunæ, vt inter prima victoriæ huius Tuæ in-
signia collocarentur. Ecquis vniuersos numeret,
quos progenuit militaris hæc mundi ætas, vt Regum
fortissimo bellatores idoneos prouideret? quis Ar-
ma, quibus in hostem vsus es, percenseat? Occurrit
tamè præ alijs bellica nobilitate ornatissimus **LUCAS**
ZOLKIEVIVS, Kalusien: Præfectus, quem seu armorû
similitudo, seu militarium studiorû imitatio gloriæ
KONIECPOLIANÆ coniunxerit, præsignem certè
indolem haud immeritò à Marte adamatam credi-
derim, nempe vires animosq; fortitam ultra vota
mortalium. inest gloriosum quiddam illi sanguini,
quem semel pro Patria Virtus effudit. Neq; Sarmat-
ia potest carum illud fortissimi Patruï caput luëtuo-
so quondam prælio amissum, hodie in Nepote absq;
gaudio reperire. Dignum certè iudicauit, qui Bar-
baricis palmis nuper ornatus in Moschouiam deuo-
ta Tuæ Maiestati Arma transferret, ne victoriæ de-
essent, si adesse bello non poterant. Iam & Lunæ
Othomannicæ metuendum geminis è crucibus te-
lum opposuerat Soleâ gentilitiâ pro arcu impigrè
vsurus, nisi scopus tanta demissione iëtum declinaf-
set. Hic igitur arma illa sine cæde iam edocta vin-
cere inter recentes Portæ triumphalis laureas repo-
nantur. At quonam ordine collocari mandas auita
clarissimorum **IANVSSII** ac **IEREMIE VISNIOVECIORVM**
Ducum,

Ducum Insignia Regio apprimè digna sacrario ?
agnosce tergemina[m] Crucem, cui Luna iam olim
substrata est: quia ferendo non est, quoties pondere
isto premitur, ac fermè vix premitur absq[ue] salutari
hoc Signo fortissimè pro Patria sublato. Vtinam
tanta nobis vel dictionum esset copia, quanta Tibi
armorum eiusmodi! Erat semper in promptu **GE-**
ORGII ZASLAVII Ducis Martiale præsidium, erant
KORECIORVM, CZARTORYSCIORVM, aliorumque
Ducum ac Procerum inuictæ centuriæ, quorum
vel nominibus recitandis immensa propè oratio
deberetur. Omiserim, pace Tua, Illustrissimum
KAZANOVIVM Podoliæ Palatinum, Campestem
Exercituum Ducem, in primis cætero qui ponendû:
sed illi & Prussico, Moschouitico, Turcicoq[ue] bello
magnâ hostium clade parata est immortalitas, & re-
cens è Moschouia victore cum exercitu ad palmam
haud dubiè aduolasset, si cuiusquam passibus victoria
Tua præcurri potuisset. Omiserim & clarissimum
quâ Patriâ Lunâ & Stellis, quâ suis met facinoribus
STANISLAVM DANILOVICIVM, cui in luce tot **A-**
strorum nato splendidius nihil esse potest, quàm Te
Imperatore ea militiæ rudimenta posuisse, quæ tot
victorijs erant distinguenda. Nec minore complu-
rium aliorum veniâ opus erit, qui se à panegyri no-
stra præteritos minùs tamen succensebunt, cum **Fa-**
stos impleuerint æternitatis. Est præ oculis **POTO-**
CIORVM & KALINOVIORVM æmula fortitudo, est
SOBIESCIORVM & OSTROGIORVM præpotès di-
cendi vis atq[ue] agendi, est aurati Equitis **RADIVILII**
probata bellis omnibus fortuna, sunt aliorum deco-
ra sanè innumera: verùm ea deserto vtcunq[ue] silen-

tio venerari cogimur. vnus tacere non debuimus
ALEXANDRI PIASECZYNII nomen, quod literis
ipse dignatus Regijs Europæ commendasti. clarita-
tem hinc ille Tuæ Maiestati, illi Maiores debent.
Fluuus certè gentis huius prænobilis tunc fluere cæ-
pit ad miraculum, cum Tu illo ad miraculum vti.
A paruo torrète inusitata magnitudinis molem sub-
uersam esse raptamq; in præceps accepimus, cum
exiguus ille copijs totas pænè armata Moschouia
vires aliquoties Magnis Exercituum Ducibus, Teq;
ipso teste sustineret, gladios inter & flammam hosti-
um illæsus, vt sibi fluuiale vnam illi fodere viderentur;
dextra tamen ictum excepit, quasi Mars no-
taret eam manum, à qua hosti maximè cauendum
esset. Equo à Te Regio donatus facile apparet, quo
cursu fit ad immortalitatis gloriam perrecturus. Iam
de hostibus Crucis triumphans in arduo Pacis Arcu
fulgere hoc Flumen iure optimo voles, quia præfi-
xum semper habuit trophæum Crucis. Reliquorum
pariter integræ legiones suis hunc Arcum Stemma-
tibus longè latèq; induent Tuæ Maiestatis arbitrato,
cuius obsequio dicata tulerant in Amurathem. No-
bis omnes elogijs ornare, infinitum: neminem, in-
iustum videbatur. Satis honorum fuerit, si non tam
memori chartæ, quàm Regio pectori nomina esse
inscripta vniuersorum intellexerint: nec aliud epi-
nicion laborum, & victoriæ comitibus, ad laurife-
ræ Portæ ingressum dabimus.

Phæboné quisquam Parthicis offuderit

Nimbus sagittis missilem?

Haud quæret armis obrutam mundus stupens

Thressam Polonis Cynthia.

Quid

Quid non pericli quasiere dulcium

Anara laudum secula ?

Natura quidquid horridum, immane, efferum

Excidijs pavit suis

Marti subesse Lechico vel contumax

Gaudet fateri Bosphorus :

Nec Luna celat Bistonis perensibus

Damnata tenebris cornua.

Sic sic, Polone, semper illunes pati

Noctes Amurathen doce.

Fortuna crescit ausibus: fortes suis

Timentur à periculis.

HÆctantorum Arma Trophæo tuo illigata esse patieris, REX POTENTISSIME, ut vim lucemq; accipiant. Regum alioqui laudibus aliena miscere decora indecorum est, quod obruant maiestatem; in Tuis, vel censore mundo, hac parte securi fumus. non magis eorum tibi amplitudo, quam Soli officit lux astrorum. De illorum sic forsân decerpemus victorijs, quibus ex sedetibus (tametsi & hoc gloriæ datum) afferebantur, adeoq; triumphasse toties leguntur, pugnasse nunquam: Tu alienum crederes triumphum, ad quem sola tua Felicitas ius haberet. manu fortunam ubiq; promoues, non auspicijs gloriosior, quam factis, ut gemino successu per omnia ductus bellorum genera omni facilè humanæ gloriæ præcurras. Duas Orbis partes totidem anni, quos non tam regnando exegisti, quam triumphando, Tibi supplices videre, nouû sanè inuisumq; spectaculum: laureâ Septentrionali alterum, alterum Asiaticâ signasti. nunquam illustriore symbolo Regalium annorum numerum didicit Orbis terrarum. O dignum perennitate biennium, quod lō-
ga quo-

ga quorumuis imperiorū secula non attigere! Ignorabitur olim fortasse Liuius, cū tot seculorum Fastos quisq; iam legere potius volet in Regni tui anno primo vel altero: manebit sub suo nomine Tacitus, cum belli pacisque artes in Te (Magnā Orbis Historiā) mirificè inclusas discet compendio meliore posteritas: maior fama erit Curtio res Macedonicas supra fidem attolenti, cū exemplo certius, quā ille commentario, ea edideris, quæ adhuc dubitaret Orbis an fieri possent, nisi iam fecisses. Infelicia superiora tempora, quæ tot bellis caruere: quia & triumphis! felicem tot hostibus Poloniam: quia tot hostium Domitore! Nemo campos illos abhinc steriles dicat & incultos, in quibus è barbarorum terrore nata est Europæ securitas. Erit propugnaculum Orbis terrarum, erit Sarmatiā, dum infestis mundo Lunis Turcicis hanc Tu oppones terram, vt obumbret. Portentum suspicari visæ sunt exteræ nationes, cū Te Bredana clarissimi Spino-læ castra ineunte, Luna cælestis ire in tenebras confestim atq; pati deliquium cœpit: ominis iam habet interpretem hunc Triumphum; Castra modò Tua ingrediebaris, cū repentè caligo barbaris oborta.

Hunc Te Superi, VLADISLAE REX POTENTISSIME, seruent humano generi,
vt Tu genus humanum, DONEC AVFERATVR

L V N A.

Ad maiorem Dei Gloriam.



no-
Fa-
an-
aci-
bis
me-
ce-
er-
ad-
les.
re:
m:
los
ba-
ro-
in-
cer-
unt
no-
on-
bēt
ua
rta.
O-





